

PROGRESU KONTINUA BA DESENVOLVIMENTU GREATER SUNRISE

Partisipante sira husi Sunrise Joint Venture (SJV), ne'ebé kompostu husi TIMOR GAP (56.56%), Operador Woodside Energy (33.44%), no Osaka Gas Australia (10.0%), hafoin halo tuir prosesu aprovizionamentu kontratu global, fo ona kontratu Estudu ba Konseitu Greater Sunrise nian (Estudu) ba Wood Australia Pty Ltd (Wood PLC).

Estudu ida ne'e sei lidera husi Wood PLC ho ekipa subkontratu multi-disiplinar sira ne'ebé kompostu husi parseiru espesialista sira.

Estudu ne'e sei konsidera kestaun prinsipál sira kona-ba desenvolvimento, prosesamentu no merkadoria gás nian, no foka maka'as ba lori gás ba Timor-Leste hodi halo prosesamentu no fa'an LNG, kompara ho alternativa lori gás ba Australia.

Estudu ne'e sei inklui disiplina oin-oin inklui enjeñaria, avaliasaun finanseira no finansiamentu, konteúdu lokál, estratéjia no seguransa, seguransa saúde no ambiente, nomos análise sosio-ekonomiku. Estudu ne'e sei avalia opsaun ida-ne'ebé mak fó benefísiu signifíkativu boot liu ba povu Timor-Leste.

Estudu ne'e sei hala'o ho forma imparsiál no, importante liu, sei la fó rekomendasaun ruma ba SJV. Estudu ne'e sei remata iha trimestre dahaat tinan 2024.

Aleinde ne'e, SJV no governu sira (Timor-Leste no Australia) kontinua halo progresu hodi bele konkorda ho kontratu foun ida kona-ba fahe produsaun (PSC), Kodigu Mineiru (PMC) no rejime fiskál sira, ne'ebé sei tulun hodi fo serteza fiskál no regulatorio.

Kontestu: Kampu Greater Sunrise, lokaliza maizumenus 450 km parte noroeste husi Darwin no 150 km iha parte sul husi Timor-Leste, kompostu husi kampu Sunrise no kampu Troubadour ne'ebé mak kontein gas no kondensadu.

KONTAKTU:

MIDIA

WOODSIDE

Christine Forster

M: +61 484 112 469

E: christine.forster@woodside.com